



## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

6. Iudicium Dei pro justitia & justa Dei gubernatione, & pro omni re qua Deus prouidentissimè facit, accipiendum.

**urn:nbn:de:hbz:466:1-45653**

§ Cap.II. Nomen & distinctio Iudiciorum Dei.

I V.

Secundò, *indicare* sumitur, pro priore quodam actu iustitiae, ut nihil aliud sit, quam discutere, examinare, discernere. Quo sensu accipit Basilius illud Psal. 25. *Indica me, quoniam ego in innocentia mea ingressus sum.* Atq; hoc, *iudicium* precedere solet sententiam. Ante enim Iudex iudicat discutiendo causam, quam ferendo sententiam. Tertiò accipitur *indicare*, pro certo actu iustitiae, nempe ut idem sit, quod *damnare*, seu condemnatoriam in aliquem sententiam ferre. Quo sensu dicitur Psal. 5. *Indica eos, Deus. & Ioan. 5. Qui verò mala egerunt, in resurrectionem iudicij, id est, damnationis, resurgent.*

V.

In Deo, cuius esse, est intelligere, discernendi, discutiendi, dijudicandi, & ipsam etiam Ierusalem, seu cætum piorum, ipsos Angelos, in lucernis scrutandi summa vis reperitur. In Deo, in quo iniquitas nulla esse potest, non solùm vis est cognoscendi; quid probandum improbandumque sit, sed etiam maxima est iustitia, quæ sententiam fert, ostenditque, quid, in ynaquaque re, seu præmio, seu supplicio dignum existat. Neque semper expectat, supremum illum Iudicij ultimi diem, sed in hac etiam vita quotidie decernit, quid singulis mortalibus, vel in pœnam, vel in prœmium, vel in prœmij promerendi occasionem, conuenientissimè permittat contingere. In Deo deniq; est potestas & mos, reos *iudicandi*, hoc est, vel ad temporalem, vel ad sempiternam pœnam; siue in hac, siue in altera vita damnandi; ut adeò non tantum Iudex sit futurus, cum alios cœlo, alios orco ascribet; sed etiam quotidie, dum Mundum istum, per varios casus, gubernat.

VI.

Vide Em-  
man. Sa  
in indice  
Scripturæ.

Cum igitur *viui & mortui*, probi & improbi à Numine iudicentur, & reddatur vnicuique secundum opera sua; itemque, cum in hoc ipso Mundo, quem condidit, gubernando, & rectissimè discutiendo iudicet, & iustissimè bona vel mala permitten-  
do agat Deus, nos *Iudicij* nomen, tam pro sapientissimâ & æquis-  
simâ eius, in discernendis rebus, pronuntiadâque sententiâ, quâ pæquissima, in plectendo & remunerando Mundo, iustitia execu-  
tione, accipiemus, ostendemusque, supremum, seu Gubernatore, seu Iudicem, & à *Judicio*, & à iustitia laudabilem ubique, & metu-  
endum; cum & rectè sentiat, & rectè faciat, siue in hac, siue in al-  
tera vita; siue dum malos pœnis addicit, siue dum probos præ-  
S. August. in mijs afficit. Propter vicinitatem ait S. Augustinus: significationis, al-  
Psal. 105. terum pro altero poni potest, vel iudicium pro iustitia, vel iustitia pro iu-  
dicio

dicio: tamen si propriè dicantur, aliquid interesse non dubito: ut iudicium custodire dicatur, qui rectè iudicat: institutum verò facere, qui rectè agit. Rectum est Iudicium Dei, quia rectè iudicat, dum rectè sentit, & dum rectè agit. Nobis itaque Iudicij nomen & sensum, & actum significabit. Sensum, rectus est enim Dominus, quia apud se rectè aestimat: actum, quia itidem rectus est Dominus, siue cum in nos ius dicendo sententiam fert, siue cum ius dixit, & re ipsa bonos à malis, electos à damnatis secernit; & denique, cum malos malis, bonos bonis afficit; quin etiam tum, cum bonis mala, & malis bona submittit. Nunquā enim eius prouidentia, in sui dispositione, fallitur; nunquam oculus male collimat; nunquam voluntas à scopo aberrat æquitatis. *Ipsè Dominus Deus noster: in vniuersà terrā iudicia eius.* Hæc de Iudicij nomine ac descriptione: nunc de diuersis Iudiciorum classibus agamus.

Si à Iudicibus discriminemus Iudicia, quæ subimus, triplex est iudicium, ab Apostolo indigitatum; vnum quod ab alijs, alterum quod à nobis metipsis, tertium quod à Deo sustinemus. Ita enim loquitur: *Mihi pro minimo est, vt à vobis iudicer, aut ab humano die (sæpe enim fallunt hæc iudicia, neque adeò nocere posunt) sed neq; me ipsum iudico (nemo siquidem fui bonus est iudex, cum itidem decipi possit, & non omnia prouideat, quæ sunt à iudicante discutienda) qui autem iudicat me, Dominus est.* Hominum igitur iudicia regula sunt Lesbia, plumbi, immò ceræ instar fluctuant & curuantur. At iudicia Domini vera, iustificata in semetipsa: nihil in illis scenicum, nihil simulatum aut dissimulatum, nihil ignorantia, aut affectu cæcum. De his mihi sermo erit, ante oculos mortalium semper ponendis; ex quibus patebit, quoties hominum iudicia errent ipsis iudicis diuinis temerè iudicandis.

VII.

1. Cor. 4. 5

Psal. 18. 10.

Quòd, si, non iam iudicantem, qui idem est Deus, sed eos, qui iudicandi sunt, aspicias, iterum triplicia reperiuntur: Sunt enim iudicia viuentium, morientium, resurgentium; seu iudicia, quibus vtitur Deus ad homines in hac vita gubernandos; & iudicia, quibus morienti cuique decernit tristem aut lætam æternitatem; quæ Iudicia particularia vocant; denique est Iudicium, quod appellant vniuersale, in quo animas, vna cum corporibus, coram tota omnium hominum Angelorumq; multitudine, supremus incorruptusque Index iudicio strictissimo subiicit, senten-

VIII.

B tiám.